

達城徐氏谷城公派譜序

夫邾莒之於魯附庸也然邾莒之有史不害爲魯史之一筆也歟我東之達城徐氏自達城君諱晉歷櫓南諱顓鶴岩諱鈞衡龜溪諱沉洎谷城縣監諱義孫屹然爲大閹也一似周之有魯而谷城公一派亦似魯之有邾莒也粵昔二十八年前戊辰徐氏有闔宗大譜實魯之全史也然自後世降俗偷不可續全史而乃谷城公後孫相與慨然曰譜固三紀一修而不復共闔宗者勢也無已則撮吾谷城公後孫一派而爲譜以俟異日之大同合譜不亦可乎僉曰唯於是收一派之族爲譜洽一弓也迺者其派中長老柄道珉浩兩氏枉余窮濱而息弁首之文余以謏聞蔑識何敢當盛囑然遠來之意不堪孤負乃逡巡而復之曰黃勉齋之管攝人心蘇明允之書所自出各有立言之意然夫管攝者不計大同與派也書所自專

用於派譜也今尊門之修譜於黃蘇二氏之說一而二一而一也無有古今之異宜而余特以魯之有邾莒贅陳云

乙未二月下浣靈川金相字書

譜者一家之史也一家而同爲一史事之經也分而各譜事之勢也以取拾言之固當取經拾勢而至於不得則亦有時拾經取勢者矣吾徐氏之譜始於壬午而厥後累加修補燦然爲一家之敦譜而挽近以來吾宗之散在列邑者較諸前日則非以十筵計也自戊辰修譜之後於今二十有八年幾至一世之期則此正重述之日而且戊辰譜中吾派記蹟多所錯誤不得不正訂而與凡他文字朝換夕改者有異則雖有改正之心如此重大之事不能卒舉故自有慨然之歎何幸自大邱宗派有大同譜修單通牒則吾門諸族庶幾有寫慨歎之念故即時收集單目幾至半數而不意自龜巖齋宗會所有修單停止之通文何也又爲憤愧者也然而吾門則旣叛之事不可中廢故不得已分派修譜此所謂事勢之不得已者不其然乎今於修譜之日畧述其槩如右云

後孫柄道謹書

後孫柄道謹書

戊辰重刊達城徐氏世譜序

譜者一姓之史也史惟紀事而已而至其尊祖親族之義則又非與史可言也使千枝萬派知其同根而同源者譜之旨也而久遠則易致漸踈故蘇氏之譜所以作也後之修譜家多以三十年一紀爲率者庸非職此之故歟吾徐氏之譜自壬午以來至丁未閱數百禩而其間凡六次修之其於尊祖親族之道亦已備矣今距丁未尙未滿一世之紀而乃派派焉設此之舉者其義固安在恭惟我龜巖書院以鄉道士林議追復於粵丙寅夏四先生在天之靈將復安安乎百世無窮矣爲子姓旁裔者感隕當復何如院已復矣其奉享惟持之方固在乎誠力之所同殫而誠力之同殫又係乎宗族之輯睦茲因餽筵以秉彝之衷發譜議是議也實主於院而成於譜也乃以翌年丁卯秋設刊于院之堂嗚乎譜之義一矣何嘗有

間於古今前後也且尊祖親族之義已有備述於前古之牒而獨今日之修此於此堂其感發衷悃豈非尤有功於前古者哉此乃吾譜之可傳示於來後也苟以今日之心各自警勉以孝以睦永守勿替則同根之枝同源之派庶有發英振頽之可待而於尊院修譜之道大而遠矣故敢叙之如右爾

後孫暎杓謹序

達城徐氏谷城公派世系譜

達城郡

新羅達句火縣後改壽昌郡
本朝置鎮為大邱都護府

達城

在府西四里周九百四十四尺內有三井三池

世宗朝

以所居達城天塹可城

命換其址將加世祿

龜溪先生辭焉請減本邑

糴耗每石五升民到于今蒙其澤

一世
二世
三世
四世
五世
六世

遠祖徐晉

高麗奉翊大夫版圖判書達城君夫人草溪周氏父檢校將軍
稚祖少府少監鉉曾祖判軍器事秩

子奇俊

承奉郎都官佐郎追封門下侍中贊成事達川君○夫人萬頃
盧氏父謝部議郎都染署令宗福祖奉常大夫三司副使璘曾
祖都監判官尚貴

子顯

號櫓南重大匡達城君金紫光祿大夫門下侍中贊成事諡忠
靖○按東國名賢錄公嘗在文苑獎進人材以文章勳業重於

世○舊譜云墓在大邱河濱縣南鳳鷄山壬坐之原而世久失
傳哲宗戊午設壇行祭碑文肅齊趙秉惠撰判官金教性篆後

達城徐氏谷城公派世系譜